

প্রেস রিলিজ

উচ্চ পর্যায়ের প্রজেক্ট মনিটরিং কমিটি এর ২য় সভা, তারিখ: ২৭ মার্চ ২০২২

ভারতীয় নমনীয় ঋণ (এলওসি) এর আওতায় গৃহীত প্রকল্পসমূহ পর্যালোচনার লক্ষ্যে ভারত-বাংলাদেশ দ্঵িপাক্ষিক উচ্চ পর্যায়ের প্রজেক্ট মনিটরিং কমিটির ২য় সভা ২৭ মার্চ ২০২২ তারিখে অর্থনৈতিক সম্পর্ক বিভাগে অনুষ্ঠিত হয়। উক্ত সভায় যৌথভাবে সভাপতিত করেন মিজ ফাতিমা ইয়াসমিন, সচিব, অর্থনৈতিক সম্পর্ক বিভাগ এবং ঢাকাস্থ ভারতীয় হাই কমিশনের মান্যবর হাই কমিশনার শ্রী বিক্রম কুমার দোরাইস্মারী। সভায় বাংলাদেশের প্রতিনিধিদলে অর্থনৈতিক সম্পর্ক বিভাগ, প্রধানমন্ত্রীর কার্যালয়, পররাষ্ট্র মন্ত্রণালয়, জাতীয় রাজস্ব বোর্ড, অর্থ বিভাগ এবং স্বরাষ্ট্র মন্ত্রণালয় হতে কর্মকর্তাগণ এবং ভারতীয় পক্ষে ঢাকাস্থ ভারতীয় হাই কমিশন ও এক্সিম ব্যাংক, ভারত এর কর্মকর্তাগণ উপস্থিত ছিলেন। ভারতীয় নমনীয় ঋণের আওতায় গৃহীত প্রকল্পসমূহের পদ্ধতিগত বিভিন্ন বিষয় এবং প্রকল্পসমূহের বাস্তবায়ন ত্বরান্বিত করতে ভবিষ্যত করণীয় নির্ধারণে যে সেকল উদ্যোগ গ্রহণ করা হয়েছে সেগুলোর মধ্যে এই দ্বিপাক্ষিক কমিটির সভা অন্যতম।

সভায় উভয়পক্ষ ০৩ জানুয়ারি ২০২১ তারিখে অনুষ্ঠিত উচ্চ পর্যায়ের প্রজেক্ট মনিটরিং কমিটির ১ম সভায় গৃহীত সিদ্ধান্তসমূহের বাস্তবায়ন অগ্রগতি পর্যালোচনা করে। সাম্প্রতিক সময়ে ভারত-বাংলাদেশ উন্নয়ন সহযোগিতা উল্লেখযোগ্য মাত্রায় বৃদ্ধি পেয়েছে। ভারতীয় নমনীয় ঋণ (এলওসি) কর্মসূচীর আওতায় বাংলাদেশ ভারতের সর্ববৃহৎ উন্নয়ন সহযোগী। এ কর্মসূচীর আওতায় ভারত কর্তৃক সর্বমোট ৭.৮৬২ বিলিয়ন মার্কিন ডলারের উন্নয়ন সহযোগিতা প্রদানে প্রতিশুতি দেয়া হয়েছে। ইতোমধ্যে প্রায় ২ বিলিয়ন মার্কিন ডলারের বাণিজ্যিক চুক্তি সম্পন্ন করা হয়েছে এবং এর আওতায় প্রায় ১ বিলিয়ন মার্কিন ডলার অর্থছাড় হয়েছে। এলওসি প্রকল্পসমূহ বাস্তবায়নে উল্লেখযোগ্য অগ্রগতি সাধিত হওয়ায় উভয়পক্ষ সন্তোষ প্রকাশ করে। লক্ষ্যণীয় যে, কোডিড-১৯ অতিমারিয়ার মারাত্ক প্রভাব সত্ত্বেও যৌথ প্রচেষ্টার ফলে গত প্রায় ১ বছর সময়ে ২৩৮.৬৮ মিলিয়ন মার্কিন ডলার অর্থছাড় হওয়ায় অর্থছাড়ের গতি প্রায় দ্বিগুণ হয়েছে।

সভায় প্রকল্প বাস্তবায়নকারী কর্তৃপক্ষের জন্য ভারতীয় লাইন অব ক্রেডিট এর বিভিন্ন পদ্ধতি ও প্রক্রিয়ার ব্যাখ্যা প্রদান, উন্নয়ন প্রকল্প প্রস্তুত ত্বরান্বিতকরণ, দরপত্রের শর্তাবলী যৌক্তিকীকরণ, অর্থছাড়ের প্রক্রিয়া সহজীকরণ, দুটো সময়ে ঠিকাদারের সাথে চুক্তি সম্পর্ককরণ, প্রকল্পসমূহের সাথে জড়িতদের অনুকূলে ভিসা প্রদান পদ্ধতি সহজীকরণসহ এলওসি'র অন্তর্ভুক্ত প্রকল্পসমূহের বাস্তবায়ন প্রক্রিয়া আলোচিত হয়। এলওসি প্রকল্পসমূহ বাস্তবায়নে কারিগরি কমিটি কর্তৃক পরবর্তী করনীয় বিষয়সমূহও এই উচ্চ পর্যায়ের প্রজেক্ট মনিটরিং কমিটির সভায় আলোচিত হয়।